

Kreis
Steinfurt
S 254

1221.

[13
254

Bischof Dietrich von Münster bekundet, daß das Kloster Bietmarfchen die eine Hälfte eines Gutes in Hesepe bei dem Eintritt der Hildewara von Vraelo in das Kloster als Geschenk erhalten und die andere Hälfte später dazu gekauft hat.

In nomine sancte et individue Trinitatis. Theodericus, Dei gratia Monasteriensis episcopus, in perpetuum. Ex iniuncto nobis pastoralis cure mynisterio compellimur gregis dominici profectibus provida sagacitate providere et ipsius incommodis omni, qua possumus, vigilantia contraire, non immemores etiam sententie apostoli, que dicit, „unusquisque mercedem accipiet secundum suum laborem“, necessitate virtutem cumulantem religionem plantare, plantatam presidiis et subsidiis fulcire ope, qua possumus, libenter intendimus divina gratia dante incrementum. Sciant ergo presentes et posteri non ignorent, quod cum Lutmodis de Vraelo filiam suam Hildewaram regule sanctimonialium subiecta (!) monasterio in Sanctemarienrothe reddidisset, Deo servitutam, eadem L. motu pietatis de consensu filiorum suorum medietatem allodii, quod habebat in Hesepe, beate Virgini et predictae ecclesie cum omni utilitate contradidit tam fratribus quam sororibus ibi Deo deservientibus profuturam. Postmodum vero Sophya iamdictae L. [filia] in fata cedente pro viginti duabus marcis eiusdem allodii secundam medietatem conventus comparavit heredibus omni iure (!) suo renuntiantibus, quod in supradicto allodio habere videbantur,

ut sic omni questione sopita illud predium ecclesia et conventus possideat et habeat cum omni integritate. Ne autem imposterum aliqua suboriri possit calumpnia huius donationis et emptionis querens titulum, presentem paginam conscribi fecimus et sigilli nostri munimine roborari. Acta sunt hec anno dominice incarnationis M^occ^oxxi^o, regnante Romanorum imperatore Frederico, pontificatus nostri anno tercio. Testes sunt: comes Otto de Thekeneburg, Ludolfus et Rodolfus de Stenvordia, Hermannus de Monasterio, Lutbertus de Beveren, Otto de Tunen, Conradus de Brohterbike, Lutbertus de Linge et alii quam plures.

Orig. Siegel. Rückschrift: To Hesepe to Boec; Voic to Hesepe, Overhuis. Bergl. die Urk. 30 von 1279. — IX. Rep. I. 5.